


SPORTHALL SANTA CRUZ A BIRA UN PROYECTO SIN FIN



ORANJESTAD (AAN): Un otro prueba cu Gobierno Oduber tabata campeon den malgastamento di placa ta e hecho cu keto bay loke antes

tabata e joya di Aruba, esta e Sporthall di Santa Cruz ta curu-curu pa loke ta trata su remodelacion.

"Sporthall di Santa Cruz a para bira manera un Proyecto Sin Fin", un observador a splica na DIARIO.

Por a compronde cu ta durante aña 1992 cu e trabaoan inicial pa e renovacion di e Sporthall a cuminsa.

Increible pa pensa, pero te awe 7 di October 1994, ainda e no a keda cla. Tur hende cu ta pasa banda di Sporthall por nota cu ta parce cu ta falta como 2 aña ainda pa e proyecto aki ser

JOVEN DI 14 AÑA DEN NOTICIA ATROBE

ORANJESTAD (AAN): Den oranan di mainta trempa un guardia cu ta labora na un Low Rise Hotel, a constata un joven pa basta rato ta cana masha sospechoso pariba pabao. Polis a bay averigua un que otro y a nota cu ta trata di e joven J.d.R.G. di apenas 14 aña di edad, kende atrobe pa di tantisimo biaha ta cay den man di Justicia.

E ultimo tempo bastante esfuerzo ta worde haci pa trata di pone e joven riba e caminda corecto. Pero e joven tambe mester di coopera, mas ainda cu sosten di su famia, cual seguramente nan tambe ta trata di yuda.

Mientras tanto Fiscal Auxiliar tabata tin un peticion pa detencion di e joven aki, relaciona cu ladronia y kibra.

termina.

Hopi ta puntrando aworaki, cu realmente pa beneficio di kende e proyecto aki a cuminsa? Seguramente e deportistanan no ta mirando nada di beneficio.

E tardanza den e renovacion aki tin hopi hende disgusta, pasobra ora cu un proyecto ta enfrenta retrazonan, e gastonan pa e trabaoan aki ta subi drasticamente.

Pa colmo, no ta trata aki di un edificio grandi tampoco

manera p.e. Concorde Hotel. Por corda cu Concorde Hotel mes a ser traha den como 2 aña di tempo. Pakico awor ta tardando asina hopi cu Sporthall?


Ta parce cu esnan cu a prepara e proyecto aki no ta conciente kico ta pasando, y

manera cu e proyecto aki ta "curu", mester tin algo ta hole eybao.

Gobierno mester haci algo pronto pa investiga henter e asunto aki di Sporthall, y principalmente di con e ta tardando asina hopi. Un cos ta sigur, esta cu e Deportistanan Arubiano no ta ser

beneficia, y mas bien ta e promotornan so ta yenando nan saco.

Algun observador a muestra cu realmente Gobierno mester stop e proyecto aki y cuminsa cu un investigacion, pasobra ta incomprendible di con esaki ta tardando asina hopi.



E PROYECTO ETERNO !!!

